

August Varenius

Augustus Varenius, D. SS. Theol. Profess. ... ad anniversariam solemnem Angelorum memoriam, ad devotissimam, procustodibus Angelis ... cui Chreubim & Seraphim incessabili voce proclamant: Sanctus, Sanctus, Sanctus Dominus Sabaoth pleni sunt coeli & terra gloria tua! reddendam ... Omnes Omnium Ordinum Cives Academicos, in ipso solemni Michaelis invitat, & hoc fine Civitatem Dei ... repraesentat : [P. P. ipso die sacro Michaelis Anno MDCLXIX. sub Sigillo Academici Rectoratus.]

Rostochii: Kilius, [1669]

<http://purl.uni-rostock.de/rosdok/ppn733988660>

Druck Freier  Zugang





T. 512

—

1669. Mich.

~~A-1256.9.~~

AUGUSTVS VARENIVS, D.
SS. Theol. Profess. Sereniss. Ducum Mecklen-
burgicorum Consistorii Assessor, h. t. Universitatis
Rostochienlis RECTOR

ad anniversariam solemnem Angelorum memoriam, ad
devotissimam, procustodibus Angelis, eucharistiam, Conditori
thronorum, cui omnes Angeli, cui cœli & universa pote-
states, cui Cherubim & Seraphim incessabili
voce proclamant:

SANCTUS, SANCTUS, SANCTUS
DOMINUS
SABAOTH

pleni sunt cœli & terra gloriâ tuâ! reddend-
dam, ad exorandam amplio rem Angelorum custodiam, ad sectan-
dam sanctitatem, fervorem & modestiam Angelicam, ad de-
siderandam æqualitatem cum Angelis gloriosam

Omnes Omnium Ordinum Cives Academicos, in ipso
solemni MICHAELIS invitât, & hoc sine Civitatem Dei, ac in
hac litiam Angelorum, velut meditamentum Angeli-
cum, oculis animisque repræsêntat.



ROSTOCHII,
typis JOHANNIS KILII, Universit. Typogr.

M. 1256



Loriosissima & splendidissima
DEI Civitas, quæ nunc discernitur in
illam, sub fide militantem, & il-
lam, de victoriâ & pace suâ certam
semper ac securâ triumphantē, quæq;
nunc adeo Angelorum hominumque
sanctorum civitate absolvitur, ante
hominem conditum, non alios ha-
buit Cives quàm Cœlestem illum po-
pulum, illum infinitum cuneum, illum
Regis universorum innumerabilem

exercitum, illum incomparabilem Spirituum flammantium & jubilan-
tium chorum, illas inquam myriadas myriadam ANGELORVM, qui
ex creatione, omnes initio pulcherrimi, omnes sanctissimè ipso natali
die musici, *quando sc. simul canebant stella matutine, & vociferabantur si-
mul omnes Filii Dei*, Job. XXXIIX. 7. & hactenus adeo cuncti exultan-
tes ac celebrantes magis, quàm triumphantes, mox, quibusdam de-
reperente in atrocissimum læsæ Majestatis divinæ crimen prodigiosâ am-
bitione conjurantibus, facti sunt, splendidiore melioriq; numero, *mili-
tantes*, inde, obtentaq; primâ illâ & admirabili victoriâ, projecto cum
Angelis suis Dracone, seu Archidæmone, gloriosè *triumphantes*. Nec
enim dubium, quin, prout in illo, quod Servator sibi visum. Luc. X, 18.
memorat, *Satane*, ad instar erumpentis *fulguris*, *è cælo cadentis*, *specta-
culo*, ita & in prælio illo *Michaelis cum Dracone* Apocalyptico c. XII,
7. et si utrumq; dictum de triumpho Christi Evangelico, *per sanguinem
Agni*, & *per sermonem testimonii*, respectus nihilominus sit ad illum
lapsum Angelorum ante hominem conditum, quando sc. *revera fuit præ-
lium in Cælo*, quando projectus est *Draco ille magnus, serpens antiquus*, qui vo-
catur *Diabolus & Satanas*. Pulchrè Andreas, Basili in Cæsarensi Cap-
padocum successor Episcopus, commentator in Apocalypsin ad l. alleg.
Ταῦτα, inquit, τῆ πρῶτῃ τῷ Διαβόλου ἐξ ἀλαζονείας καὶ Φθό-
νου ἐκπύσσει τῆς Ἀγγελικῆς τάξεως τῆ τε Διὰ τῷ δεσποτικῷ σαυροῦ
καθαυρέσει ἀρμόζειν δύναμι, ὅτι ὁ ἀρχὼν τῷ κόμου τούτου τῆς ἀρ-
χαίας τρεανίδ. ἐκβέβληται ἔ πὴν ἀλαζονεία τὰς θεῖους Ἀγ-
γέλους ἀμα τῷ Λαχισρατῆγ. αὐτῶν Μιχαήλ μὴ φέροντας εἰς αὐτὸν
τῆς

quam non impellit, inq; prælium extrudit: ita pugnantibus divinæ civitatis militantis incolis, credentibus, quorum fides in crucifixum & ad dextram Dei exaltatum est victoria mundi, invisibili & inexplicabili nobis modo, militant omnes Angeli. *Michael & Angeli ejus præliatur cum Dracone*, est victoria obtinetur *per sanguinem Agni*, extra quem si foret, nec hominum quisquam, nec Angelorum, qui *sunt conservi sanctorum habentium testimonium JESU*, militare contra Draconem posset. Atq; ex hac divinâ militante itur incivitem Dei triumphantem, quæ prout olim fuit solorum Angelorum: ita nunc est Angelorum & hominum ac spirituum electorum. Neq; alia ratio, quare vocati ex terrenâ ad divinam militantem, & ex hac porro ad triumphantem Dei vivi civitatem, accedere dicantur, *ad myriadas angelorum, ad panegyrim primogenitorum in Cælis jam conscriptorum, ad spiritus iustorum consummatorum.* Heb. XI, 22. 23. Ita ergo ex Sanctis Angelis & hominibus una fit civitas Dei, nec duæ societates: sed una societas, non discreta: sed permixta, Angelorum & hominum. Exciderunt illâ celesti societate vel civitate Dei, magno numero Angeli: ad suppleudas tantas Angelorum ruinas in superiorum Civium Angelorum societatem, quin, vel his ipsis vectoribus & comitibus, assumuntur haut minore numero, Iustorum Spiritus, ipsiq; homines Sancti & Electi, sive tanta ad coelum ascensura credatur multitudo hominum, quanta remansit multitudo sanctorum Angelorum, sive quæ Augustini l. 22. de Civ. Dei c. I. opinio fuit, *Deus de mortali progenie merito iusteq; damnatâ tantum populum per gratiam suam colligat, ut inde suppleat ac instauret partem, quæ lapsa est, Angelorum, atq; sic illa dilecta & superna civitas non fraudetur suorum numero civium, quin etiam fortassis & uberiore letetur.* Habet alibi in Enchirid. c. 29. his consonantia: *Placuit, inquit, Deo ex hominum parte reparatâ, quod angelicæ societatis ruina Diabolica minuerat, suppleere* Hoc enim promissum est *resurgentibus Sanctis, quod erunt ÆQVALES ANGELIS.* Itaque superna illa Hierusalem mater nostra, Civitas Dei, nulla civium suorum numerositate fraudabitur: sed uberiore etiam copia fortasse regnabit. Neque enim numerum aut sanctorum hominum aut immundorum Daemonum novimus, in quorum locum succedentes Filii S. matris Ecclesie, quæ sterili apparebat in terris, in eâ pace, de quâ illi ceciderunt, sine ullo temporis termino permanent. Ceciderunt non inferioris solum: sed & superiorum Ordinum Angeli Cherubini, Seraphini, Throni, Principes, potestates.

Assu-

Assumuntur, illisque Ordinibus in locum Apostatarum Angelorum
 inseruntur homines Electi, Tales enim, ut ait Anselmus l. 1. Cur De-
 us homo c. 18. oportere esse homines in illâ civitate supernâ, qui pro angelis
 in illam assumuntur, quales illi futuri erant, pro quibus ibi erunt. Pro-
 ximiùs ceteris, hoc argumentum expedire laboravit Potho-Prumien-
 sis, in tractatu de statu domus Domini, et si pleraque descripsit ex Grego-
 rio M. hom. 34. in Evangelia: Homo, inquit, ad ruinam apostata Angeli
 supplendam conditus est: Unde ad instaurandum in singulis ordinibus nume-
 rum Angelorum, qui lapsi sunt sancti & electi homines, sicut divina providen-
 tia disposuit, assumuntur. Qui verò intra illorum ordinum consortium admit-
 ti non merentur, hi profecto extra electorum numerum inveniuntur. Qui
 enim societatem supernorum civium adipisci desiderant, necesse est ut ad imi-
 tationem celestium virtutum, dum adhuc in mortali hac vitâ peregrinantur,
 mores & vitam informare studeant: qui idem haut abs re ad illud Isaie
 VI. 1. Finabrix ejus implebant, templum, est, inquit, hoc templum per-
 totam mundi latitudinem constructum, in quo celestes virtutes ad explenda
 ministeria sua pro salute hominum solemnes agunt excubias. Ceterum al-
 tius egressus Potho, & ἀμείνων ἐμβατῶν s. in illa, que nulla
 sive supernaturali scripturâ, sive, naturali rationis luce præful-
 gente, vidit, pedem inferens, non potuit non celestia signa cremare,
 dum novem illos Angelorum ordines, velut de fide certos, afferit, dum
 in illos sub variis virtutibus totum electorum hominum exercitû distribuit.
 Unde enim fides IX. illis Ordinibus, qui ad eò indignâ Theologis
 temeritate, sine ullâ dubitatione defenduntur? Unde, quod Archangeli,
 (et si in sacris N.T. illud nomen non nisi singulare, vel unius est) s. Prin-
 cipes Angeli primarii? Unde quod Angeli (quos in ultimo collocat ordi-
 ne, excluduntur illis ordinibus, quos numerat scripturâ, sc. (1) Throni-
 (2) Dominacionibus (3) Principatibus (4) potestatibus Coloss. I. 16. (5) Vir-
 tutibus 1. Pet. III. 21. sic ut non Gabriel, summis legationibus Evangelicis
 ad mortalium primarios, & in argumento summo, ad ipsam Mariam
 τὴν θεοτόκον Virginem incomparabilem, Legatus, non ipse Michael
 ὁ ἀρχάγγελος, sit unus ex superioribus illis Throni, principatibus, pote-
 statibus, multò minùs ex Cherubini vel Seraphini, velut Angelis assisten-
 tibus: sed ex duobus ordinibus Inferioribus s. Angelis misis & mini-
 strantibus? Sanè non ex alio fonte, quàm pseudo-Dionysiacis, & fabulis
 Areopagiticis, in quibus illa de Angelorum in 3. classes & harum rur-

fus in 3. ordines divisione, omniq; illa *τῶν τριαδικῶν διακομιῶν*
ipforumque ministeriorum & functionum, & assistentium eorundem-
que mittentium : ac ministrantium, eorundemq; missorum discrimine,
παιτολογίαι, omnibus ante Dionysium Patribus ignota, Magno
quoque Gregorio hom. 34. in Evangel. allegato primò omnium Dio-
nysio Arcopagita, improbatæ, & exemplo *Seraphini*, juxta Dionysium,
primi ordinis Angeli, ad *Isaiam* tamen cum *prunâ* missi Jes. VI. 4. in-
fractæ. Sanè *Gabrielem Archangelum* appellat, & non solùm *Danielus* De-
miurgi non solùm *Zacharia* : sed & *Maria*, velut Legatum s. inter-
nuncium Numinis, *manifestasse adventum & incarnationem Christi scri-
bit* Iren. l. 5. adv. hæres. Et tamen *Gabrielem* non inter Angelos solùm
& Archangelos : sed inter ipsos quoque *Seraphinos*, & absolutè inter
omnes coelestes genios principem locum obtinere ex professo
tuentur *Card. Viguerius in decachordo*, *Cælestinus* super *MISSUS* serm. 4.
Lyr. in Trisagiol. l. 1. sono 36. vid. etiam *Thom. 3. p. 9. 20. art. 2.* allegatis
quoque *Gregorio*, & ibi *Damasceno*: Ubi cum excipiant, *ex singulari quo-
dam & extraordinario privilegio, etiam supremos illos Seraphinos ablegari. &
inferiores Archangelos vel Angelos ab ipso DEO immediate mitti*, unde
probabant illud ordinarium? *Seraphinos* sc. ordinariè non mitti, &
Archangelos ac Angelos, velut inferiorum coelestis Hierarchiæ ordi-
num Angelos, à superiorum Ordinum Angelis mitti? Hoc igitur fin-
gitur, non ex scripturis ullâ insigniori ratione probatur. Sed redimus
ad *Civitatem Dei*. Deficientibus celoque exidentibus tot ac tantis
Angelis, qui, si cum cæteris permansissent, *firmati verbo Domini* ex a-
quo fuissent, ad supplendos Angelorum defectus assumuntur, & ne un-
quam cadere possint, confirmantur homines: quin juxta auream
Salvatoris sententiam, erunt *ἰσῶγγελοι* s. *æquales Angeli* Luc. XX. 36.
seu, erunt *ὡς ἄγγελοι θεῶν ἐν οὐρανῷ* Matth. XXI. 30. De potestate
tenebrarum eruti, ad regnum Christi translati, ad eos jam Angelos per-
tinere capimus, cum quibus communis nobis erit sancta atque dul-
cissima Civitas Dei, eademque Theologia visionis, qui etsi nunc *videmus
per speculum in enigmate*, tamen ubi redditi erimus *ἰσῶγγελοι, videbimus
sicut jam vident Angeli*, imo *videbimus Deum sicuti est* I. Cor. XIII 12. I. Joh.
III. 2. Sed juvat de *MICHAELE* pauca commentari, & de illo
quoq; *Pseudo-Michaele* in Gargano apuliæ monte *Cryptam* sibi de-
dicante, religiosum sui cultum mandante, remissionemque peccato-
rum

rum adorantibus se in illo spelæo, præcelsi montis, promittente, vel de eodem Michaelē sive Auberto Episcopo, sive ante utrumque Romæ (ne huic Babyloni, superstitionis Acropoli, quicquam desit abominatiōnis) apparente, & in editis montibus, & vel *inter nubes*, in ipsâ Adriani mole, ubi nunc *Castrum s. Angeli*, templa sibi & Oratoria consecrante, minutiùs scribere; de quibus, Roma, in Gargano Apulia, in Galliis, Michaelis apparitionibus conf. Baron. in annal. ad a. C. 493. & 709. etsi jam diu imissis illis inde à Gargano & in hujus montis cryptâ apparente, *Michaelē Archangelo*, superstitionis originibus, meliores, purissimasque Ecclesia Catholica substituit, totamque hanc solemnem anniversariam Angelorum ipsiusque Michaelis Archangeli memoriam, *Conditori thronorum* magno *federis Angeli*, abolitâ superstitione, pro merito jure consecravit. Non potuit ille in Gargano Michael (cui celebritatem festi hujus diei imputat Roma) esse Sanctus ille, Michael Archangelus: sed ex Tartaro atraque caligine Spiritus, in Angelum lucis, ut sub lucido Angeli schemate speciosior appareret, & potentiùs falleret, assumpto mentitoque nomine S. Michaelis, *transfiguratus*. Sanctus erat & ex illâ hierarchiâ Cœlesti primarius, ipso Michaelē haut minor Angelus, qui cum inusitatus splendor & majestas Angeli oculos animosque Johannis sic perstrinxisset, ut hic jam poplite fucciduo in adorationem rueret, acclamavit Johanni: *Vide ne feceris, Conservus tuus sum, & fratrum tuorum, habentium testimonium lesu!* & ad Conditorem Angelorum Deum ablegavit: *DEUM*, inquit, *adora!* Apoc. XIX. 10. Quin cum ex admiratione excellentiæ & virtutis angelicæ, recidivam passus Johannes, denuo adorationē meditaretur, idem tonitru angelicum, idem religiosi cultus sibi exhibendi interdictum audivit. *Vide ne feceris! Conservus tuus sum & fratrum tuorum Prophetarum & aliorum, qui servant verba Prophetiæ hujus: Deum adora!* c. XXII. 8. 9. Interdixit olim Paulus religiosum cultum Angelorū Colossensibus: *Nemo*, inquit, *vobis ultro brabejum intervertat, in submissione & religioso cultu Angelorum, pedem inferens in ea que non vidit* c. II. 18. Addit anathematismum: *si vel Angelus de Cælo aliter doceat, anathema esto!* Gal. 1. 8. 9. Illi ergo in Gargano Michaeli anathema scripsit Paulus. Subscripsit, quæ in Codice Canonum Ecclesiæ universæ jam olim fulget, Laodicena Synodus can. 35. *Non oportet Christianos Ecclesiâ Dei relinquere, & abire, & Angelos nominare & congregationes facere quod est prohibitum: Si quis ergo inventus fuerit, huic occulte idololatriæ serviens, sit ANATHEMA.* Quin ut per Corpus **MOSIS**

velu

velut Doctoris & Principis incomparabilis, prout dein per Martyrum
memorias & auro fulgentia sepulcra ac templa, ab unius veri Dei cultu
ad idololatriam, sui que cultum, sub schemate sanctissimorum, propelle-
ret, nitenti Diabolo, opposuit se vehementissimâ disputatione verus MI-
CHAEL Archangelus, unius conditoris adorandi maiestatis defensor &
Zelota flagrantissimus, ipsumq; Archidamonê attonuit illo fulmine: *In-
crepet te DOMINVS!* Neque verò id satis Diabolo serpenti antiquo, qui
illum Michaelis in Gargano characterè ostendit in genere humano per-
suasâ divinitatis æqualitate miserè seducto, ostendit in impuden-
tissimo, quo ipsum Dominum Jesum Latrariam s. Duliam proposcit, po-
stulato: *Hæc omnia tibi dabo, si prostratus adoraveris me!* Ostendit in tot Ora-
culis, per quæ adorationè cultumq; soli Deo debitum sibi asserere voluit
Spiritus impurus. Ostendit præcipuè in ipso primo peccato & præ-
lio in caelo. Juvat de duobus illis militiae cœlestis, & infernalis anteligna
nis *Michaelis archangelo & Diabolo*, eorumque nominum originibus, pias
veterum quorundam Patrum & Theologorum sententias audire. Igitur
Angeli omnes simul facti sunt, lux facti sunt, omnes, ut sapienter bea-
teque viverent illuminati, à quâ illuminatione aversi, non obtinuerunt
excellentiâ sanctæ & beatæ illius vitæ, quæ non nisi æterna, & æterni-
tatis suæ est certa ac secunda. Postquam, igitur Angeli in i. Instanti
Creationis suæ, ipsum Patrem & Verbum & Spiritum S. eamque esse in-
separabilem Trinitatem, & Vnum Deum, Creatorem, sanctificatorem
ac remuneratorem cognoverunt, eumq; singulari quâdam charitate,
super omnia dilexerunt, in secundâ morâ, ex piâ Catholicorum veterum
sententiâ, propositus Angelis omnibus Filius Dei fuerit, ut, incarnan-
dus, *introducitur*, sic ille *primogenitus* omni creaturæ in orbe angelico, & re-
præsentatus futurus *θεσβωπος*, cum tali elogio seu peculiari præcep-
to: *Adorate eum omnes Angeli Dei!* Postulatum sc. ut Angeli Christo fu-
turo homini reverenter se subicerent, & sanctissimum Mediatoris
hominis Jesu Christi, ut par erat, nomen adorarent. Repugnaverit
mox illi præcepto injuriosum id sibi interpretatus, Vnus ingentis Ange-
lorû turmæ ductor, Princeps, & sive ex excellentiâ angelicæ admiratione,
sive ex majoris ipsiusque divinæ, contrariâ planè DEO incarnato, ambi-
tione adorationem, sibi veriùs, quam à se DEO incarnando deberi, ra-
tus, inter Angelos seditionem fecerit, quin rebellionem parem An-
gelis omnibus persuadere conatus fuerit, è quibus ingenti numero, ut
impi-

impiissimo subscriberent³ consilio, Angelos permovit, unde me am-
 signanus, pacis Angelicæ turbator, simul *adversari* cœperit *Verbo Dei*,
 quo ceteri *Angeli sunt firmati*, SATANÆ, velut adversarii, prout mox, quan-
 do hominem aggressurus, *serpentem* est ingressus, ipsumq; Deum apud
 homines, & homines dein apud Deum criminatus, *serpentis antiqui &*
Diaboli, & magis magisque in pejus proficiens, quando cum fallaciâ,
 quâ universum orbem seduxerat, vim quoque majorem copulavit, quâ
 Reges & Principes ac superbos homines, ad persequendum & occidendû
 electos propter verbum Dei, impulit, *Draconis, imò Draconis magni, Dra-*
conis rufi, habentis capita septem, nomina reportaverit. Illi apostasiæ & re-
 bellionis Autori confestim sese opposuerit alius Angelorum Princeps,
 & ad obediendum Deo, adorandumque sanctissimum Christi asserto-
 ris generis humani nomen, ceteros induxerit, quin illi apostatarû Ante-
 signano classicum illud: *Quis sicut Deus?* intonuerit, quo symbolo ad
 imitationem Ducis cetera acies usa pugnaverit, vicerit, & hostilem Du-
 cem cum suis complicibus ab arce cœlesti fulminaverit, ex quo magno
 & mirabili certamine, & illo triumphali symbolo, Primas cœlestis exer-
 citus & Archangelus, qui & tunc in cœlo victor effulsit, & nunc in Ec-
 clesiâ, quæ ad cœlum tendit, pulcherrimum illud MICHAELIS nomen
 retulerit. Conf. Augustin. l. 5. de Genesi, ad literam, ubi probat, *Ang-*
elos ex revelatione illâ primâ non latuisse illud mysterium, quod nec latuit ada-
mmum integrum conf. Gen. 2. 23. 24. Ephes. V. 31. 32. pro quo urgetur ab
 aliis illud, *iterum*, seu Πάλιν ad Hebr. I. 6. Bis sc. juxta illos Christus
 præsentatus fuerit Angelis ut adorandus, *semel* in horum creatione, &
iterum in incarnatione conf. quoq; Rupertus l. 1. de Victoriâ Verbi Dei
 c. 18. 19. 20. Ita satis apparet, quam sub rubicundo illo MICHAELIS
 in Gargano, latuerit pallio, DRACO magnus, quamque
 & ille & defensores cultus religiosi Angelorum anathemate per-
 cussi sint, Angelico, Apostolico, Synodico, Catholico, adeò ut habeant
 hic Pontificii *annulum coherentie suæ*, non cum veteribus Essenis solum
 de quibus vid. Josephus sed & cum hæreticis Angelicis *in Ange-*
lorum cultum inclinatis vid. Aug. hæres. 39. Isid. l. 3. orig. c. 5. Epiph. hæ-
 res. 60. & juxta Baron. ad a. c. 60. cum Cerinthianis, imò illis ipsis
 Colossensibus Michaelis Archangeli adoratoribus, qui Colossis *ingens S.*
Michaeli Oratorium extruxerant, & prout Theodoretus loquitur, *ad An-*
gelos colendos inducebant (quos Baronius tamen mirâ vertigine agnoscit
 non fuisse *Cerinthianos*: sed *Catholicos*) imò cum ipso Pseudo-Michae-

le & Dæmone cultus talis Angelici assertore. Sanè Theodoretus in expl. Colofs. c. 18. *Hæretici, inquit, fuere, qui Colossenses ad Angelos induxerant: mansit diu hæc hæresis in Phrygiâ & Pisidiâ: quocirca, Synodus, quæ convenit Laodiceæ, Metropoli Phrygiæ, lege prohibuit, NE PRECARENTUR ANGELOS.* Agnoscat Papismus Antecessores suos hæreticos! Quantò sanctius fidem veteris Ecclesiæ testatur Irenæus l. 2. c. 58. *Ecclesiæ inquit, per univèrsam mundâ diversa beneficia à Deo accipiens non invocationibus Angelicis facit aliquid: sed mundè, purè & manifestè orationes dirigit ad Dominum, qui omnia fecit, & nomen Domini nostri Jesu Christi, & Orig. contra Celsum lib. 8. Non jubemur Angelos adorare, aut divinis honoribus colere, quamvis dona Dei nobis afferant. Omnia enim vota, omnes interpellationes, deprecationes & gratiarum actiones destinandæ sunt ad Deum, rerum omnium Dominum, per majorem omnibus Angelis summum pontificem vivum verbum & Deum.* Et hæc nostrarum ostendunt consonantiam Ecclesiarum cum Catholicâ veteri, & illo MICHAELE ARCHANGELO: Pontificiorum, quâ hoc argumentum, cum Diabolo, quos nequaquam juvare potest inutilis illa inter *Latriam & Duliam* distinctio, juxta quam integra Diabolo adorationem postulanti contra Christû, opponentem illud stereoma Mosaicum: *Dominum Deum tuum adorabis, & illi soli servies!* relicta fuisset exceptio, sc. *intelligi ibi Latriâ duntaxat, quæ debeat soli Creatori, non Duliam religiosam, quæ debeat quoque Creaturæ Angelicæ, & sibi Angelo principi, nec per hanc adeo, Idololatriam exerceri.* Sed redeundum ad institutum. Graviter magno nostro Chemnitio monitum in Locis Theolog. est: *Quia scriptura nominat Angelos, MICHAELEM, GABRIELEM, RAPHAELEM appellatum est Festum Michaelis, ut ipso nomine admoneremur, quid potissimum in hæc vitâ de Angelis discere, quidve de ipsis credere & novisse debeamus. De MICHAELE enim dicit scriptura, quomodo pugnet contra Draconem, & Angelos ipsius pro Ecclesiâ Apoc. XII. 7. & in Epist. Iud. v. 9. quomodo idem administratum emittatur in Politiâ Dan. X. 13. 21. 6. XII. 1. Et undæ ortæ sunt Idololatriæ circa corpora sanctorum? Lege Epistolam Judæ, & invenies causam primam assignari Diabolo, qui cum idolum vellet instituere, MICHAEL pugnât: estque pulcherrimum dictum Dan. XII. 1. MICHAEL stat pro filio populi Dei. Hoc modo veniendum est ad beneficia & custodiam bonorum Angelorum: nec in Angelis tantùm hæreamus: sed sicut MICHAEL dicit: Apoc. XII. II. Vicerunt Draconem in sanguine Agni, & in verbo testimonii sui. Nomen ergo festi MICHAELIS admonet tractandum*


esse

esse de malis & bonis Angelis. Et sanè propter solos nos, omnis nunc MICHAELIS & Angelorum ejus, cum Dracone ejusdemq; Angelis pugna est. Nec Angelus in Apocalypsi clamat: Væ vobis (neq; enim Angelis, plenam jam summæ beatitudinis, quanta esse in Angelis potest, securitatem, consumatamq; felicitatem adeptis, à Diabolo, totaq; illâ Infernali Tartariâ periculum) sed: Væ vobis terra & maris incolis: nam ad vos descendit Diabolus excandescentiæ magnæ plenus Apoc. XII, 12. Nec alius MICHAELI, illi militiæ coelestis Angelo principi, adversarius est, quàm qui nobis, DIABOLUS, Leo, & quidem rugiens, obambulans, querens quem absorbeat 1. Pet. V. 8. ut sit lucra nobis, adversus Principatus illos, adversus imperia, potestates mundi, tenebrarum seculi hujus imperatores, adversus improbitates illas, tantò potentiores, quantò magis spirituales, adversus ipsos Satrapas olim celestes, nunc, postquam celo beatorum proscripti sunt, in ipso sublimi per aerem, universamq; terram variis sese & admirandis sæpè operationibus ostendentes Eph. VI, 12 Turbant in Ecclesiâ. Vnde enim Zizania inter triticum? Respondetur in parabolâ Matth. XIII, 28. Inimicus hoc fecit. Vnde quod novissimum his temporibus tot ac tanti desciscant à fide? Spiritus diserte dicit fore id, quia attendent Spiritibus deceptoribus & doctrinâ demoniorum I. Tim. IV, 11. Unde magna illa Apostasia, revelatio antiChristi, illius scelerati, quem Dominus absumet spiritu oris sui, & illustri adventu suo abolebit? Respondit jam olim Paulus: Adventus illius erit, ex efficaci operatione Satanae cum omni potentia, & signis ac prodigiis mendacibus. 2. Thes. II, 3. 9. Turbant in Politia. Impellunt Davidem ad ambitiosam, LXX. Chiliadibus Israelitarum cæsis expiatam populi Arithmeticam. I. Chron. XXI, 1. 2. Sam. 24. 15. Expugnat etiam reluctantis consilio crudeli Satrapico, Darii animos, ut decernat Danieli contubernium Leonum, absumendo, nisi in spelæum idem misisset Deus Angelum ocludentem ora Leonum Dan. VI, XXIII. Turbant in Oeconomia, & sive in ipsis thalami rudimentis sive mox post sparsas nuces, movent sæpè atram bilem, impellunt ad truculentiam maritos: ad odia, oppositamq; amaritudinem, potestatisq; maritalis (ubi in Despoticam exit) iracundam excussionem, uxores. Inde dissidia; Inde diuturna divortia, sic ut nulla remaneat Matrimonii seu Conjugii umbra, quod Viri & mulieris conjunctionem & individuum vitæ consuetudinem Imperator sanctissimè definivit. Insidiantur cunctis, & citra ordinis vel ætatis exceptionem, singulis, Infantibus, ad adultam ætatem provecis, senibus, & tantò magis his, quantò suæ metæ per naturale virium deliquium propiores sunt. Militant contra illos MICHAEL & Angeli ejus. Militant pro Ecclesiâ.

In

in quâ cum personet Legis & Evangelii Doctrina, per quos *ordinata Lex*? Sanè per ANGELOS Gal. III. 19. Per quos primò omnium patefactum Evangelium in ipsâ N. T. aurorâ? Per *Gabrielem* in templo apud Sachariam, per eundem apud Mariam, per ejusdem militiæ Angelum Evangelistam, & totam celestis exercitus multitudinem in campo Bethlehemitico Luc. I. 19. 26. c. II 9. 13 nec quicquam dein sive ipsi Domino *σκηνώσαντι ἐν ἡμῖν*, sive Apostolis insignioris Theatri fuit, cui ANGELOS præsentia & expromtum fulgidissimumque ministerium defuerit. Testis univèrsa historia Evangelica, & Actus Apostolorum. Militant pro Politia, adest Danieli Oratori angelus internuncius, futuram Judæorum Politia historiam univèrsam perorans. Militat contra turbatores Archidæmones Persiæ & Græciæ, Satrapa celestis, ejusdemque adiutor MICHAEL *Princeps Israël* Dan. c. IX. & X. Verè enim, & præfulgente scripturæ luce, Basilius, l. 3. cont. Eunom. *angelorum*, inquit, alii *gentibus præpositi sunt, alii fidelium singulos consequuntur. quantò verò gens uni viro præponenda est, tantò majorem necesse est esse dignitatem Angeli genti præcipantis dignitate eorum, quibus singulorum tutela commissa est*, conf. Theodor. q. 3. in Genes. Iisd. Hisp. l. 1. Sent. c. 10. Gregor. l. 17. moral. c. 8. [aliàs 7.] Militant pro Oeconomia. Testis Raphael in Tobia. Militant pro *ipsis parvulis*, quorum *propterea non contemnendorum Angeli semper vident faciem patris celestis* Matth. XIII. 10. Militant pro *conservis, nobis, fratribusque nostris, quos ὁ Διάβολος crimatur, in conspectu Dei nostri die ac nocte* apoc. XII. 10. Igitur HOC AGITE! *Diabolo resistite, armaturam Dei induite, & ne in tentationem incidatis. VIGILATE ET ORATE!* Deterreat à peccato, consideratio præsentia Angeli custodis iugiter assistentis & nostris mortalium actibus *Superintendentis. Quantam*, inquit Bernhardus Serm. in Ps. hoc verbum: Angelis suis mandavit de te, ut custodiant te in omnibus viis tuis, *quantam*, inquam, hoc tibi debes inferre reverentiam, afferre devotionem, conferre fiduciam! *Reverentiam, pro præsentia, devotionem pro benevolentia, fiduciam pro custodia. Cautè ambula, velut cui adsumt Angeli, sicut eis mandatum est: in omnibus viis tuis. In quobis diversorio, in quobis Angulo, reverentiam habe tua Angelo. Tunc auderes Angelo præsentate, quod me præsentate non auderes?* Inducat vel in hoc ipso solemnè MICHAELIS hanc bonam voluntatem Conditor Angelorum ὁ *πατοκετωρ*, ut per illam cum Angelis simus, cum Angelis jam nunc vivamus, cum Angelis DEUM Trinunum purè colamus s) & *Ἰσὺ γαλοῖ* redditi, ante thronum Agni Canticum novum Canamus!

P. P. ipso die sacro MICHAELIS Anno
 dclxc LXIX. sub Sigillo Academici
 Rectoratus,



*esse de malis & bonis Angelis. Et sanè propter solos nos, & Angelorum ejus, cum Dracone ejusdemq; Angelus in Apocalypsi clamat: **Vae vobis** (neq; enim Angelus beatitudinis, quanta esse in Angelis potest, securitatem adeptis, à Diabolo, totaq; illà Infernali Tartarus vobis terræ & maris incolis: nam ad vos descendit Diabolus) plenus Apoc. XII, 12. Nec alius MICHAELI, illi militi, adversarius est, quàm qui nobis, DIABOLUS, **Leo ambulans, querens quem absorbeat** 1. Pet. V. 8. ut sit lapsus illos, adversus imperia, potestates mundi, tenebrarum, adversus improbitates illas, tantò potentiores, quò adversus ipsos Satrapas olim celestes, nunc, postquam perierunt, in ipso sublimi per aerem, universamq; terram, & dis sæpè operationibus ostendentes Eph. VI, 12 Turbaris Zizania inter triticum? Respondetur in parabolà Mat. fecit. Vnde quod novissimum hu temporibus tot ac tanti deservit dicit fore id, quia attendent Spiritibus deceptoribus I. Tim. IV, 11. Unde magna illa Apostasia, revelatio à quem Dominus absument spiritu oris sui, & illustri adventum jam olim Paulus: **Adventus illius erit, ex efficaci operatione, & signis ac prodigiis mendacibus.** 2. Thes. II, Impellunt Davidem ad ambitiosam, LXX. Chiliadibus piatam populi Arithmeticam. I. Chron. XXI, 1. 2. Siam reluctantis consilio crudeli Satrapico, Darii animi contubernium Leonum, absument, nisi in spelæ Angelum occultentem ora Leonum Dan. VI, XXIII. Tu sive in ipsis thalami rudimentis sive mox post sæpè atram bilem, impellunt ad truculentiam inpositamq; amaritudinem, potestatisq; maritalis (ubi cundam excussionem, uxores. Inde dissidia; Inde di nulla remaneat Matrimonii seu Conjugii umbra, conjunctionem & individuum vitæ consuetudinem Imperat Insidiantur cunctis, & citra ordinis vel ætatis exfantibus, ad adultam ætatem proventis, senibus quanto suæ metæ per naturale virium deliquium litant contra illos MICHAEL & Angeli ejus.*

MICHAEL
Nec An
summa
tamq; fe
a) Jed: Væ
æ magnæ
celo prin
giens, ob
sus Princi
imperato
spirituales,
a proscri
admiran
nde enim
amicus hoc
spiritus di
moniorum
scelerati,
Respondit
n omni po
n Politiâ;
cæsis ex
agnat et
at Danieli
isset Deus
nomiâ, &
movent
dia, op
n exit) ira
a, sic ut
uliers con
definivit.
ngulis, In
nagis his
t. Mi
Ecclesiâ.
In

